

福建通志

卷一百一十五

兵燹百册

福建名宦傳卷十七

明

泉州府知府

李鳳大同人洪武閒任疏河渠以便民重祀典以交神循良聲爲當代冠
胡器字士璉新淦人洪武閒以練子寧薦擢任革蠹弊課農桑興學校修
橋渡時令父老各誨其子孫判死刑輒鬱鬱不樂曰吾不能化民故致此
會倉庫火風猛莫遏向風稽首火遂滅有士劉孔宗當編伍試其文奇之
送補郡庠永樂中成進士器陞貴州按察使

蔡錫字廷予鄞縣舉人宣德閒任奏除洛陽東山大橋三鎮戍兵公私便
之洛陽橋圯石有刻文云石摧頽蔡再來錫因捐俸修之民祀於蔡襄祠
畔國初衛卒驕悍城中居民放鵝郊外卒亂其羣閥爭入訴錫詰曰汝輩
放鵝皆何等時卒曰早食時民曰某適放耳錫別置日暮而驗其矢草穀
色殊杖卒遣之厯官至撫湖廣

尹宏字克寬歷城舉人正統閒任廉正公勤留心撫字旱禱輒雨歲以屢豐卒於官民肖像立祠祀之

熊尙初南昌人正統末以薦任時鄧茂七分黨侵掠泉境請調衛兵未下賊勢危急尙初曰不可延寇致迫吾城遂提民兵偕晉江簿史孟常陰陽訓術正楊仕洪與賊戰於古陵坡兵力不繼被執不屈與孟常仕洪皆遇害

張巖上虞舉人景泰閒任濬市河通舟楫毀僧尼廬舍爲社學郡豪王大觀不法巖諭使自新悉聽命會石左伯行部至再以屬巖大觀出不遜言巖杖殺之其子詣闕訟巖朝廷命按之人人言太守冤得釋移守荊州

歐陽復桂陽人景泰辛未進士天順末任廉明公恕有媼訟婦不孝復問曰婦不供饋乎媼言絕食者四餐矣因責婦婦曰餓姑不孝雖貧何敢復見媼無饑色乃陰令人以桐油煎麪餅食媼媼食之所嘔皆白粲復以大義責媼遂大悔悟感泣而去

陳勉臨川人成化己丑進士以刑部郎任捕海寇禁以水火葬者剔爬奸蠹民大悅服

馬岱字伯瞻江都人成化丙戌進士任知府部民有數世不葬岱喻以禮旬月葬者千計僧以尼爲下院岱罪其尤者餘以配平民內艱解任行李蕭然

李哲字克明鄆人成化乙未進士弘治間以刑部郎任好士愛民修郡縣學以作諸生葺端明祠以表先賢橋梁陂塘之政次第修舉

張津字廣漢博羅人成化丁未進士初授建陽令正德閒以監察御史知泉州時逆瑾扇醺鎮舶私人絡繹郡邑津以嚴重鎮之輒屏息去政平而信吏民畏服在郡三月瑾逐不附己者許進馬文升劉大夏與津凡四人葉信字中孚上虞人弘治壬戌進士仕大理寺副爲逆瑾所誣陷矯詔杖闕下謫判濟州正德閒再起知泉州守時鎮闔每行府守以下並易章服解組綬郊迎闔入據館守倅佐以下入班庭雷再屈膝拜俯伏闕從几旁

徐起答之以次畢守又與佐屬左右侍得命迺退小不謹輒得禍聞至被逮闕庭杖斃至信爲守而某闔至信四卒肩輿馳而不下導呵以入驛丞用故事唱門下曰泉州府進信大怒迴輿南停榜丞以十數丞不勝痛號呼祈免一館中無不洒然改色者闔下階迎信謝無狀明日遂去然猶索例輸千金於府佐佐白信取庫金滿千遣吏齎記與之闔又大恐悉謝不受於是諸旁府聞之稍稍梗闔闔勢大衰息始信爲工部郎時同舍郎某以墨聞信從之飲醉沃手先同舍郎次信信詔奉盆者易之曰是汚吾手同舍郎故善諸闔至是乃搆信竟自泉徙蠻徼

高越鳳陽舉人嘉靖中以御史任靜默愷悌日垂簾焚香咬菜根而瀆泮池通郡城河溝修蔡忠惠真文忠祠

顧可久無錫人正德甲戌進士初授行人疏諍南巡與張岳同時逮繫岳見其獄中詩慷慨瀏灑無悽惻聲心服之遂與定交嘉靖初起謫籍以戶部郎中來守泉州問岳何以治泉岳曰民心無常惟上所感可久喜曰善

哉其爲治簡而有體明而不苛閑雅鎮定吏卒斂畏訓小民如子弟所措置皆中窾會

屠倬鄞縣人嘉靖癸未進士任修飭方正吏胥憚之時各寺田爲豪家所據而賦役坐累寺僧倬悉取田券計畝派稅開給帖文逋者追田入官自此僧無負累

王士俊字方南安福人嘉靖丙戌進士任初下車詣學講書時何炯爲諸生講未勉以王梅溪真西山之治仕俊首許焉嘗曰邦事卽吾家事也一切募義勇招商舶修浚溪洛江之橋築畱公永利之陂皆力追王真二公之舊士民感焉

俞咨伯平湖人嘉靖壬辰進士任郡值寇警且歲旱大飢咨伯躬詣都里差等貧戶發粟賑給又煮粥以濟昂米價以招外商嚴禁包攬侵尅之弊不半月米舟雲集價頓平全活者數萬人

程秀民字天毓嘉靖壬辰進士任郡有二猾胥歲盜府帑千計成巨富結

勢宦自固又同安埤頭稅大爲民患累政不能革秀民至首發二猾姦闔
郡稱快次除埤稅同安民尸祝焉海巨寇阮其寶林翦毛等爲患閩浙二
十餘年屢掠同安小嶝及東石圍頭深滬而惠安屬地一歲且三四至秀
民治戰艦募水兵分遣文武材官截守會其寶領十餘舟寇圍頭秀民發
四灣兵船令曰能得賊者悉予以所有士卒用命與賊戰小嶝南岬破其
三舟賊退保革嶼是嶼萬石所結峭聳孤矗夜聞風濤聲如撼賊爭解維
徙泊舟悉衝沒其寶獨攜八十餘人屯嶼上覬援秀民得報急命南安丞
馬一洪合眾擊之斬其寶妻帑番子盡殲於海已而林翦毛寇晉江石湖
又寇蚶江秀民復命一洪集諸社有力者百餘人擊之焚其二舸翦毛遠
遁於是秀民親行海上攜酒勞諸効命者登石井墩臺在府治西南鎮宋朱松爲鎮官於此
料賊所向呼父老指浯洲語之曰是山逆流高出乃天地設險爲環海藩
屏吾且申請戍之令汝屬長保安寧矣今墩上刻海上視師字其戰跡也
童漢臣字南衡嘉靖乙未進士任慕宋太守蔡忠惠王忠文眞文忠三公

之烈始至求八卦河湮跡疏導以復其舊郡治東南有龜湖灌田萬餘畝忠惠所立塘規久廢漢臣符下晉江復之增規二十九條設守陂夫時其啓閉伐木通榛不礙眾流立水約以均農止爭多闢水門以利蓄洩禁豪右侵盜以廣灌溉皆可世守之海賊窟澎湖恃險爲固剽掠沿海居民漢臣發憤選材官智勇士授以方略伺賊出沒擒殄殆盡倭寇薄城復建保障功

熊汝達進賢人嘉靖甲辰進士泣任值倭寇由海岸突犯安平侵逼郡城汝達多方禦卻城中有奸徒謀爲賊內應者以計擒之督府提客兵萬餘戍郡糧餉犒給器械凡百峻促汝達從容支應有不便輒持檄入白必得請乃已歷官南京右都御史

周道光字雲川嘉靖癸丑進士由同知遷任素得民心及是諸所擘畫條教必爲經久計郡被倭後又中疫請於臺大發庾賑之疾者藥死者棺不遺餘力其庠序諸生時捐月俸爲膏火費及去民德而祠之

萬慶和州人嘉靖己未進士由刑部郎任廉勤爲本慈穀爲施剔吏蠹鋤
奸豪節民用調民賦拯痾瘵尤畱心庠序復學田葺學齋通泮池潮汐用
作土類嚴邑考以懲貪殲逆酋以遏亂善政不可枚舉郡志自嘉靖乙酉
纂修後已歷四十餘年聘傅夏器尤烈朱安期趙恒纂輯而以尙書黃光
昇侍郎黃養蒙總其成於隆慶二年告竣名曰隆慶戊辰志

朱炳如字仲南桂陽人嘉靖己未進士隆慶閒以御史忤時宰改任單騎
至郡與民務爲便安其約束僚貳及屬縣寬嚴互用暇召父老子弟講解
六諭親爲書生讐校經義庚午一科升禮部者五十八人會前所忤者再
當路以舊憾徙兩浙都運臨發傾郡扳送有一儒生涕泣交頤炳如曰吾
素無德於君胡見戀之甚生曰某被譴前守曾不得比氓隸我公視我輩
子也是以感而悲耳

任汝亮猗氏人嘉靖壬戌進士隆慶閒任值久旱望走殆徧不得雨汝亮
甫下車雨如注人皆曰太守雨也郡城山有神泉自涌飲之能愈疾則又

曰神泉爲太守出也初汝亮爲戶部主事卻羨不受至是大署郡門曰太守要錢聽囑者不生還鄉里久之政寬人和雨暘時若民無天札

邱浙南城人嘉靖乙丑進士萬曆閒以刑部郎中任布衣蔬食待士紳有禮見小民嘔嘔然惟恐傷之遇事執持確不可奪永春令某恣而墨先令解綬乃以聞於上官郡中有妖魅憑子姓煽惑愚民立移其邱墓任滿不持郡中一錢擢山東副使歷官廣西按察使卒之日郡人思之與前守熊汝達合祀曰二賢太守祠

賈子偁字燕雲合肥人萬曆壬辰進士任郡屬同安廢觀有田五百二十五畝爲豪民私佔命縣清其漏賦歸官割其半歲徵銀貯府學以備修治學廟及賑貧生婚喪之用其半畀同安學衛卒糧取給於郡爲胥吏侵牟且不時給子偁勅吏按月呈牘如期給領衛卒感之請尙書黃鳳翔作泉州衛散餉記安平有石井書院祀朱韋齋爲豪右所侵諸生與較則被悍奴凌辱子偁行部聞之勸反所侵地置奴於法令豪葺祠以贖愆而捐俸

勲之

程達清江人萬曆丁丑進士萬曆間任石湖當海舶要衝無堡移屯兵戍守禁豪右佔諸屯田畝遇屯兵受糈躬爲給之

張應泰字大來涇縣人萬曆壬辰進士以南駕部任初至懲頑梗爲民害者吏民斂戢盜不入境會以大計謫官泉民持長旂書太守善政奔省控畱不可乃壘石城門城外之梁盡斷絕之兩臺使者爲請銓曹得降秩仍知泉州

姜志禮字立之丹陽人萬曆己丑進士涖任以正人心厚風俗爲務尊高年尙有德卹無告民有不率者從容教之教之不馴乃繩以法萬曆三十五年秋地震洛陽橋傾圯大梁折入於海故址漸湮志禮采石從海底結址二十三葺舊址三十五整補扶欄五百增兩翼鎮風塔各一折梁重易之關樓亭榭一新入覲擢廣東憲副民思其德爲建祠於洛江之上

陽思謙新化人萬曆乙丑進士在任撫綏振飭易俗移風民懷其德

蔡善繼字王岳烏程人萬曆辛丑進士任值歲稔疫癘大作多方勸賑全活甚眾復借帑金遠糴接濟米價以平於是修廢舉墜濠塹溝渠以次疏通既去郡人建祠於忠惠祠後曰前蔡後蔡云

王猷東莞人萬曆丙辰進士崇禎閒任值鄭芝龍擁眾逼城人無固志猷督兵壯嚴捍禦屢挫其銳芝龍知有備退而求撫猷集在籍大學士史繼偕等於承天寺議勦撫日旰未決猷厲聲曰猷守臣也知有守耳御史蘇炎曰守以盡職撫以紓憂也議遂定時奸人思亂熒芝龍猷開示以信始聽命其黨李魁奇既降復叛與餘黨鍾斌周三舍焚掠如前閩海復震猷授略芝龍勦之築礮臺於鷓鴣溜石間以扼其險會官兵失利賊舟直抵內港猷擐甲督戰發巨礮擊沈其舟賊遁去擒海醉老斬之尋復擒黃巽冲楊耀等五十餘名魁奇亦生得以俘獻三舍斌亦就戮海氛以平擢副使守興泉道卒泉民巷哭罷市而祠之

樊維城字紫蓋崇禎閒任軍士苦給餉抽扣窮詣衛所手自給散按月查

冊積猾吏胥不得稽冒海寇竊發遇警報即馳至軍前冒矢石爲將士先
賊相戒勿犯

府佐

高祐字天錫上海舉人成化間同知以禮義訓民頑梗革面歲饑貸民粟
山鄉寫遠者召良善鄉老總授分給全活無算嘗道漳州宿山家有奸民
負豪家債而憤其凌迫者聚千人將以期旦焚劫豪家亦號眾繕械爲敵
祐變服往諭片言解散後歷廣平東昌二府皆有善績

羅懋桐廬舉人弘治間同知與守李哲同時事無巨細協謀可否惟恐公
家之需或缺閭閻之情有所不堪張襄惠論泉二守稱五六十年間耳目
所聞見僅得兩人懋與李哲也

麥瑩順德舉人正德間同知兼權府事勞者理弛者張當事以其才并檄
攝鄰郡瑩故嶺南詩家而尤長於治郡

李緝餘干舉人正德間以濮州牧任同知仁慈果斷伸釋枉滯與民省事

民有投牘大司者輒號乞曰必下牘於李二府非李二府不如還吾牘也
嘗歎泉郡戎伍勾補之弊佐郡一年凡鄰郡戎衛之檄至辨真偽量遠近
審民夫眾寡蘇瘁之數權其當行與否民賴以全室家相慶陞魯府長史
丁一中丹陽貢生以戶部郎謫延平倅隆慶元年陞同知一中少受學於
唐順之有文名至郡時引書生講業性耿直不阿上官時朱炳如爲守一
中佐之政簡年豐公暇相與登眺吟咏境內名山一中題鐫幾徧焉字畫
迺朴有法人多藏之

陸一鳳字子韶常熟舉人萬厯初同知奉臺檄偕諸將討海酋林鳳於惠
潮大破之覆其巢諸將椎羊酒相賀一鳳曰是且走海南諸國伺我懈也
謀之果走呂宋於是以兵憾之呂宋果逼逐鳳有所俘獲上獻因請得入
貢比暹臘諸夷臺下有司議一鳳曰不聞職方氏有呂宋奈何以小夷効
小順穢我大鴻臚羈縻之可也議者咸服

楊一桂清江舉人萬曆間同知涖任九年宅心平恕未嘗枉罪一人沿海

將士歲時餽遺皆無所取擢潯州知府

萬廷謙字以牧南昌舉人萬曆四十一年同知至則爲要束嚴干振盜不得發躬歷海上詰戎兵庀船艘飭器械謹烽堠方略甚備儲糗或不時必曲貸轉賑不使軍乏食值米價翔貴請發官帑遣材官泛舟市粵米濟之香山番舶飄入內地津遣護歸議留澎湖戍兵量減其額議省浙營募兵練額皆郡百世利

洪葆字子厚杭州人建文間通判居官廉謹性謙退遇名儒賢士必折節講論扶弱恤下如恐不及

郭輅長洲人正德間通判加意興除而持以審謹利必要其能終害必窮其潛伏以官爲寄以民爲命

陳堯典號少華番禺舉人嘉靖間通判與太守俞咨伯改建資壽寺爲城隍廟訪知寺左舊有亭額曰小山叢竹爲朱子親筆歷久亭廢字亡亟謀興復重建亭曰過化又購朱子遺像鏤於亭祀焉廣求朱子墨跡年餘集

得小山叢竹四字鐫石揭諸亭自爲文記之

陳嘉謨湘鄉舉人隆慶初通判掌糧稅勾稽出納克善其職尙儒術獎後進多所開發又以陳紫峯傳虛齋之學宜並祀奏請臺省如其議

歸大賓字台麓長洲貢生萬曆十五年通判公羨贖鍰悉分給貧生署晉江南安同安三劇縣均以廉慎著巡撫周案書其考曰冰檠絕倫

殷光彥字元楷歙縣人萬曆三十五年通判值安平新設鎮移駐焉時庶務草創光彥至未數月百務具舉鎮去郡遠惡少博簊探丸擊劍恣睢罔忌奸人利鎮殷富耽視思逞光彥首懲諸惡少而明保伍飭游徼嚴街鼓於是俗變民安夜老無警鎮城數圯外隍爲繕陴塞港以壯之

聞人宗望字貳宗餘姚舉人萬曆閒通判郡僚多闕兼數篆周麾環應曠若無事而內有奸民相煽謀亂外有紅夷巢據澎湖覬伺內地泉當其衝宗望如守決策曰外患似大而緩內憂似小而急急者解緩者自消於是豐積貯飭保甲謹城守練團兵繕器械而嚴海禁奸民謀解紅夷亦揚帆

去

熊一中豐城舉人正德九年推官時山海交警而同安尤衝要一中權縣篆力圖掃蕩帶兵窮征一月三捷上官交獎郡人立石紀之

張心餘姚人嘉靖癸未進士任推官治南自八里亭土岸東山棘巷新亭洋坂涵江陳埭海畔龜湖塘四十里榛塞石頽行人畏阻因海岸難修又非官府往來要衝遂久不治郡人陳琛以詩白太守高越越方戒行朝至京師攝事爲同知李緝又移攝興化心於是代緝護府篆慨然任之召好義能事者隨地起工趨事者賞梗事者懲閱八月竣功而勒緝名於石緝歸自興化歎曰利民而民不知勞且不自有其功歸功於我盛德君子也

李燾字斗野河源人隆慶戊辰進士任推官方嚴而善斷吏胥抱牒受成而已閩中有大讞議必檄燾主之所至有于公張尉之頌

羅文靖南昌舉人隆慶間推官郡有大姓爲不逞者以人命誣訟文靖廉